

COMUNICATO n. 67 del 15/01/2024

Traduzione in cimbro

“Vodar gântzan bèlt, ’z lânt” a bèrkhstatt z’schraiba

[Cimbro] **“Vodar gântzan bèlt, ’z lânt” iz a bèrkhstatt zo lirna schraim kreatif von soi lem sèlbart, gepuntet in kulturàl schatz un in lentar vo bo ma khent, dar prodjèkt iz offe vor trentinar un laüt boda abestâmmen vo trentinar in auzlânt. Dar Prodjèkt khint vürgelekk von UMSt obarintendentz vor daz kulturàl geplèttra vodar Provìntz, pittnândar pitt Mondo Trentino Village.**

’Z mangda nemmen toal zen laüt, di bèrkhstatt bartze haltn in 5 trèff online vo 2 urn aniagladar, vo di achte abas sin di zene alle fintzta àhevante von 29 von hornung sin atz 28 von lentz. Ma bart o machan darzuar an trèff, hërta online, zo zoaga bia ’z izta gemacht dar bândo, disar bart soin atz 17 von hoachnach 2024 di achte un a halbez abas.

Berda bill nemmen toal mocht khennen gântz garècht da belese zung saiz geschribet azpe geredet. Azta di vorsch möchatn soin mearar baz di plètzt barta drâkhemmen pellar berda sa hatt eppaz geschribet, dena berda khint von trentinar teldar un pèrng. Azta beartn z’soinada laüt pinn gelaichegen titln bartma zornirn nâ in tèkstn boda soin khent inngètt, ’z barta soin vor ditza a komisiong gemacht von schraibar Valerio Millefoglie pittar Emanuela Rollandini un Lucia Cella, funzionardje von UMSt obarintendentz vor daz kulturàl geplèttra vodar Provìntz.

Darzuar in vümf trèff online gemacht alle pittnândar bartnda soin okasiongen zo vennese pinn reférentn un pitt ândre laüt vodar trentinar kultûr bèlt boda bartn auleng trèff vor aniaglan toalnemmar. Di tèkstn boda bartn khemmen geschribet in disa bèrkhstatt bartn khemmen gelekk alle in an uantzegez puach un auzgètt pinn titl “Da ogni mondo, il paese. Guida di viaggio ai luoghi che ci portiamo dentro”.

Di vorsch mochan khemmen inngètt vor di zbölve von 5 von hornung 2024 aftn indiritzo mail:
emanuela.rollandini@provincia.tn.it

Zo nemma toal in trèff boda bart khemmen gezoaget dar bândo izta mângl innzoschraibase afte plattform Mondo Trentino Village <https://mondotrentinovillage.it/>

Da âgehenkh dar vorsch innzoschraibase

Übarsetzt von Schaltarle vor di zung von Toalkamou vodar Zimbar Hoachebene

(cdt)